



Marina Blumenthal el toc «Cancelled», cun Kim E. Stadelmann.

FOTO CHR. MATTIS

Marina Blumenthal sin turnea

L'actura sursilvana cun «Cancelled-ein Stück im Stück» a Cuera e Glion

■ (anr/abc) La davosa fin d'jamna han ins saviu veser ella en acziun cul Chor d'affons Surselva. Marina Blumenthal ei stada la raqintadra el musical «Digl affon che viveva sin ina plonta» ed ha leu giugau differentas rollas. Dapresent eis ella sin tribuna cun Kim E. Stadelmann. Ella sefultscha en tutt'altres rollas. Il toc senumna «Cancelled – Ein Stück im Stück». Ei setracta d'in teater musical raquintau dalla scola da teater Comart da Turitg. Entefier la turnea svizra vegn quei toc era el Grischnun. «Jeu haiel extrem plascher d'astgar giugar a casa en mia patria. Cheu hai jeu entschiet e cheu vi jeu era el futur separticipar ed esser part dalla cultura regionala», scriva Marina Blumenthal en in mail all'anr. En Lumnezia enconusch'ins ella sco giugadura da teater, era a Glion sco protagonista tier las guidadas inscenasadas tras il marcau. Ella ei propi engaschada en sia patria. Tonpli interessant eis ei da veser ella en rollas differenzia-

das d'in toc ch'ei dapresent sin turnea tras la Svizra tudestga.

El toc «Cancelled-ein Stück im Stück» muossa l'actura sursilvana tut sisas qualitäts. Igl ei la 24avla turnea dalla Company comart, la scola d'acturs da Turitg nua che Marina Blumenthal ha fatg sia scolaziun. L'acziun sefuorma ord la situaziun dil spitgar e dalla liunguria. Ils dus acturs vegnan a demostrar la sempladad ch'els han elegiu sez. Teater senza nuot. E tutina cun bia, fetg bia. Scenas cun musica, da clown e pantomima mauncan buca. Tgei fan ins cun ins ha lungurus? Ils dus acturs giogan duas figuras ch'ei setschentadas cuagl eroplan a Milaun ed ein ussa agl eroport Malpensa. Leu spetgan ellas, lur sgol a Barbados ei sribhaus. Marina Blumenthal ei la Tamara plein veta, Kim E. Stadelmann gioga in signur Schmid ch'ei fetg malsegirs e schenaus. In cuncontrast absolut. Scenas curiosas, sequenzas cun viriveris e irritaziuns humoristicas mauncan buca. Marina Blumenthal de-

scrivan las medias dalla Bassa sco actura curaschusa e temeraria. Il december vargau ha la Sursilvana terminau siu studi da quater onns cul diplom d'actura professiunala. Gia il schaner 2016 ha ella saviu surpender a quella scola ina incumbensa da docenta. Che la dunna da Morissen lavuri senza tribuna e «mo» sco pedagoga san ins buca s'immaginar. La premiera dil toc «Cancelled» ha giu liug ils 27 da fevrer a Volketswil. La produczuon han ins saviu veser en differentes loghens els cantuns Argovia, Lucerna, Turitg, Solothurn e Sogn Gagl. Suentur Cuera e Glion cuntinuescha la turnea en auters marcaus, a Lucerna, Eglisau, Turitg, Buchs SG, Winterthur e puspei a Volketswil.

Il toc «Cancelled» sebasa sill'idea dad Albi Brunner che meina era la reschia. Il toc vegn daus gievgia, ils 12-5, allas 20.30, ella Klibühni a Cuera (reservaziun www.klibuehni.ch), e venderdis ils 13 e sonda, ils 14-5, a Glion, mingamai allas 20.00 el Cinema Sil Plaz (www.cinemasilplaz.ch).

CLAUSTRA DA GLION

Ina gasetta dallas missiuns e per la casa

(anr/gc) Duas gadas ad onn publichescha la Procura dallas missiuns dalla claustra da Glion – sut la cumpetenta egida da Pius Süess – il fegl faldau d'informaziun «berichtet und beleuchtet» – ed adina cun ina contribuziun en romontsch. Mo era sur dad eveniments che pertuccan la claustra vegn fetg reguladamein menziun. Igl october ha il capetel general dallas soras dominicanas da Glion giu liug. In tema che ha fatschentau fetg ei l'aula vegliadetgna media dallas soras. Quei pretendi midadas structuralas ed ins seigi fetg dependents d'agid d'ordeifer.

Malgrad quellas midadas vulan ins cuntinuar cun la veta monastica tenor sia finamira essenziala. Aschia vegn festivaiv – tenor sora Monika Hüppi – cun plascher igl 800. anniversari dalla fundaziun digl uorden dominican, era sch'ins seigi ussa meins visibels ella publicitad.

Secund sora Ingrid Grave piteschan biaras cuminonzas claustrales sut il buordi da mantener ils edificis. Nua metan las dominicanas oz las prioritads per propi? La risposta sin quella domanda sto sedar digl intern ella sentupada cun Diu.

Sin camp missiunic

Cun plirs projects social-pastorals prestan las dominicanas da Glion fetg bia pils paupers en Brasilia – e quei dapi varga 60 onns. Egl edificis «Bem Me Quer» cattan 60 buobas e buobs in ver dacasa. Las novas stanzas ella casa per attempai «Lar Geraldo» possibiliteschan da procurar per ina buna tgira. Ella «Casa Maria Theresia» vegn dau peisa sin scolar e promoter affons e giuvenils. – Da Taiwan anora sustegnan las soras da Glion ina cuminonza monastica en China.

Maria Cahenzli va en pensiu

Per la davosa gada ha Maria Cahenzli-De-rungs, oriunda da Surcasti e sesenta a Flem, gidau a redeger la gasetta-casa. Ella va en cuort en pensiu. Dapi 1987 eis ella s'engaschada cun grond ideal per la Procura dallas missiuns dallas soras da Glion. Ella ei responsabla per la contabilitad ed ha tarmess biaras brevs per dumandar agid ed engraziun persuentur. Ella seigi stada fetg activa e zun attaschada alla claustra. Las soras da Glion ein fetg engrazievlas ad ella pils buns survetschs prestai.

La Procura dallas missiuns a Glion ei engrazievla per scadina donaziun, ch'ins sa far cun il cedel da pagament sil conto 70-188-7.



Maria Cahenzli ha luvrau prest 30 onns per la Procura da missiuns dallas soras da Glion.

MAD

«Mini e Maxi» ein ils guardians d'honor dalla Tgina dil Rein

■ (anr/hh) Il duo d'artists «Mini e Maxi» dalla Hollanda ein ils emprems guardians d'honor dalla tuor da signal dalla Tgina dil Rein sil Pass dall'Alpsu. Quei tetel ei vegniun surdaus dalla fundaziun dalla tuor da signal. El rom d'in arranschament public festiv dumengia, ils 31 da fenadur 2016, vegn il tetel surdaus officialmein a Peter de Jong e Karel de Rooij. La fundaziun ei en possess dalla tuor da signal dapi la primavera 2015. «Mini e Maxi» ein il

mument ils stars dalla scena dil teater musical da clowns ella Hollanda. Per motivs da sanadad han els stuiu interrumpur lur engaschament duront rodud diesch onns. Igl onn vargau ein els returnai sin tribuna cun in niev program. 1988 eran Peter de Jong e Karel de Rooij stai sin turnea tras la Svizra e visitau tuttas parts da quella. Il success dalla turnea era staus gronds. El decuors da lur carriera han els obtenui differentes impurtonts premis.



Il duo «Mini e Maxi» – Peter de Jong e Karel de Rooij – ein ils emprems guardians d'honor dalla Tgina dil Rein.

MAD

reclama

50 Jahre FUST Und es funktioniert.

Ihr Spezialist für alle Elektrohaushaltgeräte!

Rundum-Vollservice mit Zufriedenheitsgarantie

- 5-Tage-Tiefpreisgarantie
- 30-Tage-Umtauschrecht
- Schneller Liefer- und Installationservice
- Garantieerlängerungen
- Mieten statt kaufen
- Schneller Reparaturservice
- Testen vor dem Kauf
- Haben wir nicht, gibts nicht
- Kompetente Bedarfsanalyse und Top-Beratung
- Alle Geräte im direkten Vergleich

Infos und Adressen:
0848 559 111
oder www.fust.ch

Wäschetrockner Lavath. TP 7060 TWF

nur **499.-** statt **999.-** **-50%**

H/B/T: 144 x 55,4 x 57 cm

Exklusivität FUST **A++**

Wäschmaschine Lavamat Bella 4450

nur **799.-** statt **1899.-** **-58%**

7 kg Fassungsvermögen

Schleuderleistung von 1400 U/Min **A+++**

Gefrierschrank EUF 2000 FW

nur **1299.-** statt **1599.-** **-20%**

Fust-Rabatt Fr. 200.- / «Beste Effizienz» Vorteil Fr. 100.-

Exklusivität FUST **A+++**

Kombi-Steamer EB SL 7 Mirror Profi Steam

nur **2199.-** **Tiefpreisgarantie**

55 cm **A**